

Crisis Theologica

Cárdenes, Juan de

Sevilla, 1687

Cap. VIII. An subi ciatur huic damnationi sententia asserens, fidem, & opinione[m] de eodem obiecto esse compossibles?

[urn:nbn:de:hbz:466:1-75689](#)

tret intellectum suū, vt perveniat ad certitudinem veritatis; quam Deus absque dubio illi concedet, cum facit, quantum potest pro eo articulo, & Deus, qui vult omnes homines salvos fieri, facienti quantum est ex se viribus gratiæ, numquam denegat gratiam. Quod si nolet precari Deum pro illustratione habenda, ipsis imputabitur ad culpam infidelitas.

CAPVT VIII.

An subiiciatur huic damnationi sententia afferens, fidem, & opinionem de eodem obiecto esse composibiles?

SVMMARIVM.

Ratio dubitandi. n. 104.

Non debet condemnari reus sine probatione evidenti. n. 105.

Similiter neque propositio damnari debet sine probatione evidenti. n. 106.

An de conceptu opinionis sit formid actualis, an vero solum radicalis? n. 107.

Quomodo ex diversis medijs possint componi scientia, & opinio secundā S. Thomam. n. 109.

Res convincitur exemplis. num. 110. & seq.

Auctores afferentes non esse de conceptu opinionis formidinem actualē, sed solum radicalē: n. 112.

Hozes.

104. **H**ozes in expositione huius propositionis 21. nū. 10. affirmat, damnatam manere, vi huius damnationis Pontificiæ, sententiam docentem, actum Fidei, & opinionis de eodem obiecto posse simul componi in eodem intellectu. Cuius fundamentum est: Propositio enim damnata affirmat, fidem supernatu-

ralem stare cum formidine de revelatione: sed sententia relata affirmat fidem supernaturalē stare cum opinione, quæ secum afferat formidinem: ergo sententia relata manet subiecta eidem damnationi.

105. Sed præfatus Scriptor gerit se ad instar Iudicis metas suæ iurisdictionis transilientis. Nam, vt ipse supponit in expositione propositiōnis 2. num. 4. In criminalibus ad condemnandum Reum probationes debent esse luce clariores. Quod habetur in l. sciant cuncti. ff. de Probat. Ex quo fit, Iudicem exceedere metas legis, atque adeo iurisdictionis, quando condemnat reum sine probationibus luce clarioribus: & consequenter delictum debet esse certum, & evidens, vt reus possit condemnari.

106. Similiter ergo vt proposi-
tio declaretur condemnata, debet es-
se certum, & evidens, quod continetur
sub damnatione: sed non est cer-
tum, & evidens, quod ea sententia
continetur sub tali damnatione: ergo
ea sententia non potest declarari co-
demnata. Maior patet: ideo enim
continetur sub damnatione, quia
opinio afferat semper formidinem ac-
tualem; sed non est certum, & evi-
dens, quod opinio afferat semper for-
midinem actualem, quamvis semper
afferat secum identificatam for-
midinem radicalem; est enim probabi-
le, imo & multo probabilius, non es-
se de ratione intrinseca opinionis
afferre formidinem actualem: ergo
non est certū, & evidēs, quod ea sen-
tentia continetur sub ea damnatione

107. Quod si dicat, esse certum,
quod opinio afferat inseparabilem
formidinem actualem; interrogo, ex
quo principio certo colligit hanc cer-
titudinem? Et quidem in loco citato,
id nō probat, sed supponit. Deficiunt
ergo ex hac parte probationes luce
clariores, quæ requiruntur ad dam-
nan-

nandum reum, sive ad probandum, hanc sententiam de compostibilitate Fidei, & opinionis subiacere damnationi.

108. Maxime in assertione mere Philosophica, qualis est haec quæstio; in qua inquiritur, an de conceptu opinionis sit formido actualis, an radicalis, seu virtualis: neque contra principium aliquod Theologicum est, afferere, quod opinio ex conceptu suo solum dicit formidinem radicalem.

S. Tho. 109. Neque obstat, quod afferit ex S. Thoma 2. 2. quæst. 2. art. 1. scilicet quod *formido accedit opinione*; ex eo enim potius colligitur, formidinem esse accidens opinionis, quod illi potest deficere. Quando autem dicit S. Doctor, de ratione opinionis esse formidinem, & ideo stare non posse cum Fide supernaturali; loquitur de opinione secundum modum frequentiorem, quo solet elici; nec negat posse dari opinionem, cui desit actualis formido. Nam in 3. dist. 31. quæst. 2. art. 1. quæstion. c. 1. ad 4. magis se explicat, & concedit, posse componi in eodem obiecto scientiam, & opinionem ex diversis medijs, illis verbis. *Opino, & Scientia quamvis sint de eodem, non tamen secundum idem medium, sed secundum diversa; & ideo possunt esse simul.* Cum ergo S. Thomas concedat, posse simul existere in eodem intellectu de eodem obiecto scientia, & opinio per diversa media; manifeste infertur, quod opinio potest consistere sine actuali formidine; cum evidenter, & actualis formido de eodem obiecto sint incompossibilis, nam, ut ex terminis notum est, evidenter expellit formidinem actualem de obiecto.

110. Ex his aperte convincitur, non esse de ratione opinionis formidinem actualem, sed solum radica-

lem. Etenim intellectus de eodem obiecto potest simul habere notitiam per motivum revelationis Divine obscure cognitam per propositionem Ecclesiæ, & per motivum probabile, & non omnino certum: Nam Sancti Patres, & Theologi confirmant mysteria Fidei rationibus suasibilibus desumptis ex Philosophia, quænon afferunt evidentiam: V. g. probant immortalitatem animæ, tum ex testimonio Dei per Sacram Scripturam; tum ex eo, quod Philosophi nobiliores eam agnoverunt. Cognitio ergo, quæ nititur revelationi Dei, est Fides; & quæ nititur in motivo desumpto à cognitione Philosophorum, est opinio. Hæc ergo cognitionis opinativa habet formidinem radicalem, quatenus si inveniatur non associata actu Fidei, sed ipsa sola, re ipsa excitabit formidinem intellectu, quia illud motivum secundum ex se non est sufficiens ad certificandum intellectum.

111. Similiter aliqui ex Sanctis Patribus probant resurrectionem mortuorum, tum ex testimonij Sacrae Scripturæ; tum ex eo, quod Phœnix moritur, & renascitur: & prima cognitionis spectat ad fidem, secunda vero est mere topica. Et inquirio, quænam repugnantia est in eo, quod ego simul habeam eas duas cognitiones? Neque recurrentum est ad hoc, quod secunda cognitionis habet formidinem; nam de hoc est quæstio. Cum ergo haec duæ cognitiones non repugnant esse simul; & aliqua tunc in intellectu non detur formido actualis, cum intellectus vi actus Fidei sit certus de resurrectione mortuorum; aperte convincitur, de conceptu opinionis non esse formidinem actualem; sed solum radicalem; quæ, ut dixi, consistit in eo, quod si inveniatur sola ea secunda cognitionis

Zz asso

associabitur formidine actuali.

112. Quare non esse de concep-
tu opinionis formidinem actualem,
sed radicalem clare docuit P. Suarez
disp. 19 de Fide sect. 4. num. 16. af-
serens: *Formido ex parte subiecti non
est de ratione opinionis, sed tantum
ex parte formalis obiecti.* Ex quo in-
fertur, quod subiectum, id est, intel-
lectus careat formidine, & quan-
tum est ex parte obiecti formalis per
se, & solitarie sumpti exponatur in-
tellectus formidini. Eamdem sen-
tentiam defendunt omnes Doctores,
qui censem posse inveniri simul in
intellectu scientiam, Fidem, &
Valen. opinionem. Hi sunt P. Valencia. 2. 2.
S. Bona. disp. 1. punct. 4. quæst. 1., vbi citat S.
Duran. Bonaventuram, & Durandum. Item
Lugo. Lugo Card. disp. 2. sect. 2. num.
Pet. Hur 89. P. Petrus Hurtado disp. 10. de
Anima sect. 5.



DISERTATIO XV.

*An Fides explicita Dei remu-
neratoris sit necessaria ne-
cessitate mediij ad
salutem?*

CAPUT I.

*Proposita damnatione 22. Propo-
sitionis referuntur varie
opiniones.*

SYMMARIVM.

*Quid sit Fides explicita, & implica-
ta? num. 1.
Quot questiones includantur sub hac
dertatione? n. 2.
Primus dicendi modus est, ad iusti-*

*ficationem infidelis requiri Fidem
explicitam Dei ut remuneratoris,
licet non semper. num. 3. & 4.
Secundus, eam requiri ad iustifi-
cationem infidelis, non vero ad
iustificationem peccatoris fidelis.
num. 5.*

*Tertius, ad omnem iustificationem
requiri. num. 6.*

*Quartus, requiri Fidem explicitam
Dei ut remuneratoris supernatura-
lis. num. 7.*

*Quintus, sufficere Fidem explicitam
Dei, ut remuneratoris naturalis,
vel abstrahendo à naturali, & su-
pernaturali. num. 8.*

*Sextus, illam requiri non ex natura
rei, sed ex lege Dei. num. 9.*

*Septimus, illam Fidem explicitam
requiri ex natura rei. n. 10.*

*Octavus est, sufficere Fidem explici-
tam Dei ut remuneratoris virtua-
liter contentam in actu charitatis.
num. 11.*

1. **E**x propositionibus in hoc de-
creto dñatis, hæc est vigil-
sima secunda. *Non nisi Fides unius
Dei necessaria videtur necessitate
medij, non autem explicita remune-
ratoris.* Prò cuius explicatione no-
tum omnibus est, Fidem implicitam
alicuius mysterij esse eam, qua
quis credit mysterium ut sub aliqua
universalis propositione contentum:
ut cum quis dicitur credere myste-
rium Incarnationis, eo quod credit,
quidquid credit Ecclesia Catholica.
Fidem vero explicitam habet, qui
non solum credit illud mysterium
sub ea generali propositione, sed in
particulari credit, & cognoscit mys-
terium, V. g. Incarnationis.

2. Est ergo quæstio præsens, an
ad iustificationem, & ad salutem
æternam consequendam sit omnino
necessarium habere Fidem explicitam
Dei ut remuneratoris? Sub qua-
quæst-